

RECTOR ET CONSILIVM ACADEMIAE VITEMBERGENSIS PVBLICVM

Ad Sibyllae ductum applicat se Aeneas, praexceptique memor, aureum ramum capit. Qui quidem ramus ipsa est, ut doctis placet, sapientia, optimo cuique, in diuinis humanisque rebus, expetenda. Hanc, CIVES, si appetitis, non quaerenda uobis est Sibylla, sed ineunda uirtutis uia, quam uobis hic aperimus. P. P. Nonis Maiis, 1522.

IN FACULTATE THEOLOGICA.

GOTTLIEB VVERNSDORFIVS, D. P. P. et Sup. Gen. Publice, simulacrum tempus licebit, in *Formulam Concordiae*, ab hora IX. ad X. commentabitur. Priuatum *Institutiones doctrinae Christianae*, iuxta et *exercitationes disputatorias*, diligenter continuabit. Simulac denique *Anti-Papaeum finierit*, in locum eius Scholas uel *Historiae Ecclesiasticae* a N. C. uel *Controversiarum recentiorum*, substituet.

MARTINVS CHLADENIVS, D. Lectionibus publicis adhuc in Epistola I. ad Corinthios interpretanda occupabitur: Priuatum Collegii Thetici horam nunc sibi uindicant *Institutiones Theologiae Exegeticae*. Pastoralis uero Homileticae. Additur quoque est Examinatorium et Disputatorium proxime auspicandum.

GEORG. FRID. SCHROEER, D. Officium Christi sacerdotale explicauit publice, et isto Fidei capite absoluto, exponet officium Christi regium. Theologiam theticam tractat priuatum, et continuat collegia disputatoria.

IOH. GVILIELMVS IANVS, D. publice doctrinam de Articulis fidei Christianae fundamentalibus explicat pariter ac uindicat. Priuatum in *Collegio Biblico*, quo singulorum non modo librorum diuinorum, sed etiam capitum, Scopum, argumenta et cohaerentiam, ob oculos ponit, difficultates, lectioni remoram iniicientes, soluit, et explicata ad usus sacros accommodare docet, librum Nehemiae proxime auspicabitur. *Historiam Ecclesiasticam*, a temporibus medii aeui, in quibus nunc uersatur, usque ad praesentem aetatem perducet. Acroasis Theologico-Moralibus, nuper admodum finitis, *Thelico-Polemicas*, in B. Neumann Theologiam Aphoristicam, propediem subiunget.

IN FACULTATE IVRIDICA.

IO. BALTHASAR VVERNHER, D. Ordinarius, publicis preelectionibus ea, quae ad Processum Criminalem restant, absoluere. Priuatum Cursum Universi Iuris, ceteraque Collegia, nuper peculiari programmate indicata, propediem inchoabit.

GEBH. CHRISTIANVS BASTINELLER, D. doctrinam Pandectarum propediem absoluere, mox Titulos de Verbb. Signific. et Regg Iur. declaraturus. Domi Ius Naturae ac Gentium, *Institutiones*, Digesta, Ius Feudale et Canonicum, denuo recitat atque interpretatur.

GODFRID. LVDOVICVS MENCKEN, D. publice principia processus Iudicarii, a D. Griebnero elaborata, hucusque explicat, priuatum Pandectas et Schilteri Ius Canonicum, explanat, elaboratorium Collegium processuale pariter continuat, nec minus preelections ad Instit. Iustin. instituere parat.

CHRISTOPH. HENRICVS DE BERGER, D. quamprimum ex Austria redierit, lectiones tam publicas, quam priuatas, singulari schedula significabit.

IACOBVS CAROLVS SPENER, D. in publicis lectionibus Monzambani insignem librum de statu Imperii Romano-Germanici exponit. Priuatum tradit Ius Feudale, et parat scholas in Iustinianae *Institutiones*, nec non in preecipua Iuris argumenta disputatorium exercitum.

DIET. HERM. KEMMERICH, D. publice *Differentiis Iuris Naturalis et Civilis* ad ductum Examinis Hoppiani ad finem perductis, *Iuris Naturae et Gentium Principia*: Priuatum uero *Ius Publicum* secundum *Introductionem suam*, itemque *Struuii Iurisprudentiam* R. G. atque *Hoppii Examen Institutionum*, interpretabitur, nec non *Collegium Disputatorium* ad *Pufendorffum suum Enucleatum* denuo inchoabit.

IO. GODOFREDVS KRAVS, D. Iur. Sax. P. P. Constitutiones Electorales Sax. Diui Augusti publice exponere meditatur. Priuatum, *Struuii Iurisprudentiam Romano Germ. For. Schoepfferi Synopsin* Iur. priu. Rom. et for. ut et D. Gribneri Principia Processus iudicarii interpretatur, modumque tractandi causas in iudicio ostendit. Neque illis deerit, qui in B. Strykii examen Iur. Feud. preelections suas desiderauerunt.

IN FACULTATE MEDICA.

IO. GOTHOFREDVS DE BERGER, D. Publice recens in arte salutari inuenta methodo medicinali accommodabit. Priuatum docenda, redux ex Thermis Carolinis factus, separatim indicabit.

D. CHRISTIANVS VATER, Pathol. P. P. absoluta febrium doctrina, nunc in explicandis et curandis functionum uitalium Symptomatis uersatur. De caetero quoque singulis diebus Mercurii et Saturni uulnorum ulcerumque curam tradit, et Exercitium disputatorium continuabit.

ABRAHAMVS VATER, D. et P. P. Anat. et Botan. Substit. per hyemem corporis humani partes et viscera tam priuatum, quam publice, exposuit lectionibus, et demonstrationibus in Anatomie publica cadaueris foeminini

illustrauit; uersatur nunc in Praxi et Chimia docenda, quibus absolutis, Chirurgiam aggredietur: publice uero plantarum indigenarum aequae ac exoticarum, quarum copiam ex Anglia, Batauia, aliisque locis obtinuit, characterem examinabit.

IN FACULTATE PHILOSOPHICA.

IO. CHRISTOPHORVS VVICHMANNSHAVSEN, LL. OO. Prof. P. istis, quae ad fundamentalem, autenticae literaturae, criticam spectant, rite, et ex negotii dignitate, absolutis; eas, ex *Iosuae Libello*, pericopas, quae *Sanctae Terrae*, inter *Israelis* posteros distribuenda, delineationem supeditant, succincte erodare instituet. Priuata opera, in selectioribus, *Antiquitatis Ebraicae*, argumentis recensendis occupabitur.

IO. GVILIELMVS BERGERVS, P. P. de *Characteribus Liuianis* absolutus. Dehinc *Taciti Germaniam*, indagatis praecepue moris hodierni fontibus, e-narrabit. Priuatum, finita prius *Historia Germanica*, Imperii Notitiam explicauit. Breui, tum res in Europa gestas, tum Eloquentiam pragmaticam, tradet.

GEORG. GVIL. KIRCHMAIERVS, Graec. Liter. Prof. P. ex comitiis provincialibus, ab Academia delegatus, nuper admodum redux, elegantiorum scholas doctrinarum continuabit diligenter, sigillatim, finitis, in quibus nunc occupatus est, publicis commentationibus, de *hebraismis*, ignorantiae perfugiis, ex novo Foedere tollendis, Graecas, in *Epistolam Pauli ad Romanos*, aperturus, contextum sacrae dictionis, secundum ueram nostratium doctrinam theologiam, subsidiis ex intima sua arte petitis, explanabit, ad eamque controversias, non tamen ex instituto, nec temere, in ipsis natalibus cuiusque dogmatis, a philologis nequioribus corruptis, ortas, breuiter strictimque perpendet, priuatum in reliquis perrecturus.

ERNESTVS CHRISTIANVS SCHROEDERVS, Log. et Philos. primae P. P. posteaquam publice scholas philosophicas, superiore semestri, ad finem perduxit, in iisque theologiam, diuiniori Codice patefactam, ita exposuit, ut omnes omnino fidei purioris locos, quibus Metaphysices adminiculis opus est, solide et explicauerit, et applicauerit, atque uindicauerit ab abusione, per aestatem theologiae naturali, tanquam primae potiorique πνευματολογίας parti, operam dabit, fuosque auditores cognitionem Numinis, natura solum atque ratione recta, docebit. Priuatum etiamnum urget scholas Logicas, quas mox aliis augebit.

MARTINVS HASSEN, Moralium et Civilium P. P. publice hora matutina IX ad *Kulpfi Collegium Grotianum* commentatur, priuatum horis ante meridiem XI et post meridiem II. *Synopsin suam* ea, qua consuevit, methodo exponit, alias praeterea scholas, simul ac justus auditorum numerus adfuerit, in uario *politoris doctrinae* genere aperturus.

MARTINVS GOTTHELFF LOESCHERVS, D. suscepit publice Physicam a fabulis repurgatam exponere, eandemque Demonstrationibus selectioribus et curiosis illustrabit. Priuatum Physicam Experimentalem tradet, nec non Medicinam Forensem, atque Praxin Medicam docere sedulo perget, propediem nouum Cursum Medicum inchoaturus.

FRIDERICVS STRVNZIVS, Poef. P. P. et h. t. Academiae Rector, ultimam partem Panthei, a Pomaio collecti, quam ob diurniorem morbum superiori semestri absoluere non potuit, explanando ad finem perducet. In sapientia sobria docenda alterum mox laborem finiet, alterum mox inchoabit, ac, si per muneris rationem fieri poterit, ad Graecos quoque poetas recte interpretandos, et preeceptis, et exemplo, preebit.

IO. FRIDER. VVEIDLERSVS, Supér. Math. P. P. perductis ad finem theoriae lunae, et calculi eclipsis lunaris et solaris explicationibus, publice hac aestate de minoribus planetis stellisque nouis agit, hora VIII. domi hora IX. in cursu matheleos arithmeticam, hora XI. chronologiam, illustrare perget, hora III. astronomiam uberioribus preeceptis observationibusque illustrat.

IACOBVS CAROLVS SPENER, D. Hist. P. P. publice generalem Notitiam Germanici Imperii exponit, priuatis autem curis iterum in Historiam Germaniae uniuersalem et pragmaticam ad ductum Compendii a se editi commentatur, praetereaque lectiones parat in V. Cl. Kranzii Historiae Civilis Vniuersalis Compendium.

IOH. MATTHIAS HASIVS, Math. Inf. P. P. absoluta proxime Stereometriae et Trigonometriae explicatione, perget ad tractationem Architecturae ciuilis in publicis lectionibus. Priuatum in Geographia historica et mathematica tradenda porro occupabitur. Algebra quoque et Analysis mathematicam selectis quibusdam auditoribus exponet.

EGOTOTOR ET GO M S H I V A ACADEMIAE VITIEMERGENSES PARVUS